

葉城縣志序

我

北京同學會寄贈



德教覃敷薄海內外悉享
悉王版圖之式廓自中天
以來未有盛於斯時者也
邇年東一統志成凡天下

葉城縣志

序

直省郡邑分野之參差幅
輿之遠近賦稅之重輕風
俗之繁簡政治之沿革人
物之盛衰莫不備載於志
美哉道德一風俗同民生
其間即遠在萬里外莫不



464
4732

以熙以恬如親見黃農虞
夏之世而况近在郊圻被
潤澤而大豐美者乎藁城
於定為屬迨去京師七
百里余嘗過訪其邑侯賴
君喜其山川葱鬱風俗醇
古戶無擊柝之警庭鮮肺
石之爭每嘆

聖化所被是邑獨得其先而侯
為令於邑愛士恤民所以
宣上德達下情者甚周且
摯故能使士業於庠農嬉

於野商賈安于廛市蓋觀
藁邑而知王道之易易也
顧邑舊有志為相國石文
介公之所鑒定後缺而不
續者百餘歲矣侯謂是志
不脩無以揚先哲而垂後

憲其若軒轡之使辱在敝
邑者何於是下令學宮博
採舊聞得其可志可表可
傳者列為十二則仰觀於
天而知星垣之躔次俯察
於地而知山川之險易覽

戶口之殷繁而知

聖天子生聚斯民之德考賦稅
之均平而知

聖天子任土作貢之制其辯善
否別貞淫則太師之陳風
也其紀官師載循良則太

史之執簡也全美必書片
善必揚讀是志者油然而
忠臣孝子之思貞女賢媛
之慕焉而凡易命之榮寵
文章之炳蔚凡可以勒鼎
彝而壽金石者莫不具哉

洋洋乎邑之大觀畢集於
斯矣乃吾於茲竊有慨焉
夫材之生也命於天鍾於
地而成於人藁城自金元
以來若董氏之功存定鼎
則父子繼其榮石氏之職

在論思則兄弟嗣其芳外
此如王如安或以勞定國
或以死勤事迄今讀其家
乘恨不得泣生其壺彼豈
借才異地哉何盛事之不
再見也誠使生是土者以

先哲為儀型以往訓為箴
規家弦戶誦雲蒸霞起吾
安知自茲以往不更有立
德立功如董王石安之出
為名將入為名臣者接踵
而起流輝史牒者乎余蓋



觀於藁邑而知王道之易
易也是役也重輯于邑令
賴公諱于宣參訂於廣文
張君諱丙宿及邑之紳士
趙君擢馬君思發彭君祖
庚黃君虞世事增於前文

損於舊記載昭晰條理井
然使數百年興革人物如
指諸掌斯為一統之全書
用垂千秋之盛事云是為
序

康熙三十七年夏五中澣

賜進士出身

欽簡翰林院庶吉士同里年眷
弟歐陽齊拜撰



大清康熙三十七年歲次戊寅仲夏教諭

昌黎張丙宿拜撰



藁城縣志

張序

三

藁城縣志序

蓋聞九 創於皇古用紀神
州之職方二南首乎 國風爰
集寰宇之好尚自茲以後遂
有志名問俗採風常與詩而
並美彰善瘴惡每借史以長

存凡使萬里輿圖昭

天子無外之象千秋典則垂斯

民不朽之規維茲藁城分隸

畿輔地接恒嶽拱翠巘以衛

神京水繞滹沱帶清流而朝

滄海連城拂漢美哉天塹之

雄長隄如虹屹矣金湯之固
土特宜於稻梁黍稷產常富
於布帛麻絲忠厚儉勤家國
唐魏之遺俗悲歌慷慨人襲
燕趙之高風是以代有偉人
朝多碩佐董氏威定中士勤

勲名於鼎彝王公歷事累朝
紀謀猷於竹帛知希乃貴讀
和伸之文者謂能起衰式靡
無位亦榮聞敬伸之風者可
以廉頑立懦侃侃讜論石文
介正色立朝嶽嶽懷方張司

冠平心澤物以故錫之茅斗
鐵券誓擬於三辰寵彼地封
綸音榮及於奕世撫茲異代
疊見羣英逮及

本朝尤稱多士集琳瑯於虎觀
非無殊猷獻藻績於龍門悉

成令器鄉曲耆叟能言天寶
遺聞閏閩秀韶間凜大家雅
範或義烈彌重夫金石或孝
思兼感乎風雷或洽比其鄰
似指困之子敬或友于同氣
效其被之姜肱此固聖世之

所激揚抑亦彤管之所備採
若乃風恬景靜川媚山輝稻
浪千層遍地胥成雲錦波文
百折大塊假我文章梵宇紺
官莊嚴金粟之樹殘碑斷碣
憑弔萋莽之區遂使過客名

流騷人逸士莫不句同寶瑟
辭並金荃卽事興懷滂托湘
靈而發韻登高作賦聊憑不
律以寫心宣承乏是城無能
爲役冰蘖自守撫躬惟凜四
知寒鴛莫前考績徒慙三異

每於退食餘暇得覽先代遺
書嘆此邑之代有循良知是
地之蔚爲名勝顧年湮世遠
不無文豕魯魚矧物換星移
寧免桑田滄海爰容譽髦嘉
與更新時則有若學博張君

丙宿暨紳士趙君擇馬子思
發彭子祖庚黃子虞世刪繁
就簡其製錦以成章遂討旁
搜各賦詩而見志尤懼言之
無文行之不遠遙函信使就
正於白玉方壺啟緘編摩兼

及夫鴻文巨手但俾信今而
傳後奚辭踵事以增華茲者
勉捐俸糈用付梨棗叅同訂
異蔚成通邑之大觀校誤晰
譌備極一統之盛事所冀百
爾君子三復新編立德立功

立言勲名不讓曩哲爲臣爲
子爲弟慮之可垂後昆從此
士抱丹鉛身聞頽壁絃誦農
力錢罇會見井里桑麻近


天子之光展也首善生聖人之
世共慶遭逢斯不獨鍾斯土

者之榮抑亦令斯土者之幸
云爾時

康熙三十七年夏五月中浣

文林郎知藁城縣事廬陵賴

于宜撰



藁城縣志序

今欲知一邑建置之由
盛衰之數戶口之多寡
風俗之淳澆物產之美
惡賦役之繁簡風霆星

日之災祥禮樂政教之
修廢與夫忠孝流芳于
竹帛節烈表異于閨壺
文章垂譽于寰區以及
吏其土者某也賢某也

否非邑各有志何由瞭
如指掌雖歷年之久信
而可徵上以供輜軒之
訪而且俾生其後者于
一邑之故家遺俗流風

善政悉可考而知乎吾

郡屬邑藁城嘗有武創

于嘉靖間邑宰尹公而

石文介公之所裁定凡

夫天文地理財賦官室